



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

CXVIII. Markgraf Johann verleiht an Nickel Hokemann und Hans Brandenburg ihre Lehnsbesitzungen im Städtchen Falkenhagen und in den Dörfern Mallnow, Treplin und Wulkow, am 25. März 1433.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

keinen schaden bringen noch tun sol. Zu vrkunde mit vnserm anhangenden Inſigel verſigelt vnd geben czu Spandow, an der mitwochen nach ſandt ſymon vnd Judas tag der Apoſtelen, Anno domini etc. XXXII^o.

Nach dem Churm. Lehnſcopialbuche XVI, 41.

CXVIII. Markgraf Johann verleiht an Nickel Hofemann und Hans Brandenburg ihre Lehnſbeſitzungen im Städtchen Falkenhagen und in den Dörfern Malnow, Trepplin und Wulkow, am 25. März 1433.

Wir Johannis, von gots gnaden Marggraue zcu Brandenburg vnd Burggraue zcu Nuremberg etc., Bekennen — als die houchgeborenen fursten Marggraue Joſt ſeliger vnd darnach Marggraue fridrich, vnſer lieber here vnd vater, kattherinen vnd hanſen hackemann dieſe hienachgeſchriben guter, ierlich czinſe vnd renthe in rechten knechtlehn in geſampt gelihen haben, mit namen In den dorfern zcu Malnow Jerlichen Subben vnd czwenzig ſchog geldes, zcu Trepplin Jerlichen achtzehndehalb ſchogk geldes, zcu falkenhayn Im Itellin zcu hufenzinſe czwei ſchogk mynner acht halben groſchen vnd zcu wulkow vier hufen mit allen gnaden vnd mit allen rechte vnd den vierdenteil an dem gerichte mit allem rechte vnd ſunſt mit allen gnaden vnd rechten, nach laute der obgnanten fursten brieffe, vnd als nu der obgnante hans hakeman von todes wegen abgangen iſt, Bekennen wir obgnante marggraue Johannis fur vns, vnſer Erben vnd allermeniglich, das was wir von getruwer dinſte wegen vnd auch von beſondern gnaden Nickel hakemann, des gnanten hanſen ſeligen ſone, vnd hanſen Brandenburg die obgeſchriben guter, ierlich czinſe vnd renthe zcu einen rechten manlehn gelegen haben etc. — Auch haben wir In die Beſunder gnade getan vnd thun In auch die Beſunder gnade alſo, das den gnanten hanſen Brandenburg vnd nickel hackemann Beſunder rouch noch brod ir lebetage an irer geſampten hant keinen ſchaden thun noch bringen ſol, vnd geben des czu einem Inweiſer vnſern lieben getruwen mertin winſen, purger zcu franckenfurd. Zcu vrkunde haben wir vnſer Inſigel an dieſen brieff wiſſentlichen hengen laſſen, der geben iſt zcu Spandow, an vnſer lieben frauen tag annunctacionis in der valten, noch Chriſti vnſers heren geburte vierczhenhundert Jar vnd darnach in dem dreivndriſſigſten Jaren.

Dominus per ſe examinavit coram conſiliariis.

Nach dem Churm. Lehnſcopialbuche XVI, 47.